

Behin baino gehiagotan hartu izan diogu susmo txarra kalean itsatsitako kartelen bati edota etxera bisitan apostolutzan etorri zaigun norbaiti. Oro har, ordea, ez gara sektek gure inguruan duten indarraren jabe. Sumatzen ditugu, bai, baina ez gara haien arriskuen jakitun. Sekten kontra ari diren elkarteen arabera, Euskal Herrian 20.000 biktima inguru eragin dituzte gutxi gorabehera 60 talde sektariok. Adituek diotenez, horien artetik asko eta asko oso arriskutsuak dira, suntsitzaileak erabat.

Testuak: Jone Larrañaga

Arriskutsuak eta suntsitzaileak

Sektek Mindutakoen Elkarteen (SME) eta Iparraldeko ADFI biktimen babeserako elkarteen arabera, Euskal Herrian 60 talde sektario inguru badira. Horien artean asko eraginkortasun susmagarria duten ikastaroak eskaintzen dituzten taldeak dira, iruzurgileak beraz. Baina beste 30 inguruedo sekta suntsitzaile arriskutsuak dira. Hona hemen nagusiak:

◆ Jehovahen Lekukoak ◆

Gizartean oso orokortuak daude eta askok ez dituzte sektatzat jotzen. Arlo horretan aditu direnen arabera, baina, sekta handi eta suntsitzaileenetarikoa osatzen dute Jehovahen Lekukoak; apokaliptikoak dira. Gizarte sozialarekin guztiz hausten dute, lana, eskola eta proselitismoa egiteko salbu. Taldea uzten dutenekin harremanak izatea debekatuta daukate guztiz, nahiz eta gertuko ahaideak izan. Jehovahen Lekukoak eurak erosi eta apostolutza eginez saltzen saiatzen diren liburuekin negozio ikaragarria egiten dute taldeko buruek. Munduan dirurik gehien mugitzen duen Watch Tower editorialak argitaratutakoak dira guztiak. Euskal Herri osoan indarririk handiena duen eta zabalduena den sekta da. Apokaliptikoak dira.

◆ Zientologiaren Eliza ◆

Azken urte hauetan Hollywoodeko izar asko erakarri dituen eliza sektario horrek eragin handi samarra du Euskal Herrian. Badira urtetxo batzuk hemen kokatu zirela, eta azkenaldian areagotu egin dute kanpaina proselitista. Hasiera batean eragin zalanagarria duten ikastaroak dohanik eskaintzen dituzte, kideak taldera erakartzeko. Behin elkartera bildu direnean, diru asko ordaintzen dute ikastaro horietan jarraitu ahal izateko. Edozein botere motatan esku hartzea dute helburu, barrutik botere hori desbideratzeko asmoz.

◆ Ama Lurra ◆

Jakina dela behintzat, Euskal Herrian sortutako berezko sekta bakarra da. Oso kide gutxi dituen arren, suntsitzailea da oso. Nortasuna erabat aldatzen dute taldean sartzen diren kide-

ek eta euren senitartekoeikiko jarrera oso erasokorra izaten hasten dira. Drogak erabiltzen dituzte. Hain zuzen ere, droga trafikoagatik auzipetu zuten 1994an Irene Goikolea, Ama Lurrako buruzagia. Gaur egun, Bizkaiaiko Enkarterrietan daude kokatuta.

◆ Nueva Acropolis / Nouvelle Acropol ◆

Indar handia du Bilbon. Intelakualak biltzen dituzte taldera, esoterismoa eta antzekoei buruzko hitzaldiak gako gisa erabiltza. Bizkaiko hiriburuan eta Leioako campus unibertsitarioan oso ohikoak dira hitzaldi horietarako gonbita egiten duten kartelak. Horren guztiaren atzean ideologia nazia duen talde bat ezkutatzen da.

◆ Brahama Kumaris ◆

Batik bat emakumezkoei zuzentzen da talde sektario hau. Banaketak, gertuko senitartekoen heriotzak edo antzeko egoerek sortutako atsekabeaz baliatuta biltzen dituzte kide berriak taldera. Biktimaren nortasuna eza-batzeraino heltzen dira. Lapur-

diko kostaldean badute taldetxo bat, Baionan eta Hendaian.

◆ Vida Universal ◆

Sekta hau ere emakumezkoengana zuzentzen da taldekide berri bila, emakumezko edadetuengana ordea. Sasi osasunarekin lotutako ikastaroez eta erlijioarekin lotutako hitzaldiez baliatzen dira proselitismoa egiteko.

◆ Energia Universal ◆

Hau ere sendabide ikastaroak antolatzen dituzte. Jende kopuru handiek jarraitzen dituzte ikastaro horiek.

◆ Swami Sananda ◆

Ekialde urruneko giroan inguratuta, guru edo buruzagi mesianiko eta begitaziodun bat gurtzen dute. Itsu-itsuan jarraitzen diote, modu fanatikoan. Hego Euskal Herrian berriki baina indar handiz agertu dira sekta orientalista horretako jarraitzaileak.

◆ Meditación transcendental ◆

Ekialde giroko sekta da hau ere, aurrekoa bezala buruzagi ahal-

guztidun bat buru duena. Aspalitik dago Euskal Herrian kokatuta, 1974 urteaz geroztik. Eurka diotenez, meditazioa eta yogaren bitartez lortutako «estasia» praktikatuta onurak ekartzen dizkie exekutiboei, gizakiari eta naturari. Gizarte maila altuko eta baliabide ekonomiko handiko gizon-emakumeak dira taldeko kide. Frantziako hauteskundeetan ere aurkeztzen dira, Lege Naturalaren Alderdiaren izenpean.

◆ Niños de Dios / Enfants de Dieu ◆

Taldeko kideen prostituzioa erabiltzen omen dute finantzabide gisa. Ezkutuan eta inguruko artean susmorik piztu gabe aritzen dira. Talde horren beraren barruan egonagatik, beste izen asko ere hartzen dituzte, besteak beste, La Familia. Talde horretakoak dira, ustez, orain dela hamabost egun dela Juantxo Dominguez Izquierda Unidako legebiltzarkideak salatu zuen Urnietako sekta. Frantziako estatuan debekatuta daude aspaldi samarretik prostituzioan aritzen direlako.

◆ Gnostikoak ◆

Fedearen bitartez egia bakar eta osoa bilatu asmotan aritzen den talde asko dago Euskal Herrian: Movimiento Gnostico Cristiano Universal; Instituto Gnostico de Antropologia; Rosacruces; Asociacion Gnostica de Estudios Antropologicos (AGEAC); Centro de Estudios de Antropologia Gnostica... Okultismoa, ikastaroak eta nork bere burua aurkitzeko metodoak eskaintzen dituzte.

◆ Osho Rajneesh ◆

Hau ere orientalista da eta guru ahalguztidun bat du taldearen buruan. Bizimodu komunala egiten dute eta sexualitatea manipulatuta egiten da sektaren barruan. Euskal Herrian mota guztietako ikastaroak eskaintzen dituzte.

◆ Krishna ◆

Euskal Herrian gero eta kide gehiago dituzte, Nafarroa aldean bereziki. Herri txiki-tako komunitetan edo etxebizitzetan bizi ohi dira kideak. Euren ondasunak buruzagiaren eskuetan uzten dituzte eta hautsi egiten dute kanpoko harreman ororekin. Nortasuna itxuraldatzen zaie taldearen barruan.

◆ Iglesia Universal y Triunfante ◆

Eliza katolikoko errosario santuaren antzera errezu eta ototzetan ematen dituzte orduak. Kutsu erlijiosoak du. Nazioarteko sekta arriskutsua da hau, eta Estatu Batuetan arma biltegi handiak ditu. Apokaliptikoak dira; sinestuta daukate mundua amaitu egingo dela baina eurak salbatu egingo direla.

◆ Moon ◆

Interes ekonomiko handiak dituen nazioarteko talde bat da hau ere. Gizarte maila altuko kideak erakartzen ditu taldera eta erabakigune garrantzitsuetan eragiten dute. Mutur eskuinarekin lotzen dute askok. Baditu, gutxienez, hogeitasei satelite-talde. Talde eratu gisa Euskal Herrian ari diren berresteko datu fidagarriak ez dago.

◆ Nonsiamosoli ◆

Hau ere kutsu erlijiosokoa da, baina izaera ufologikoa du. Sinestuta daukate izaki estralur-



Movimiento Gnostico Cristiano Universal talde sektario gnostikoak aste honetan bertan Bilboko kaleetan itsatsitako afixa. XOUSE SIMAL